

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-234-5/23**
Datum: **16.06.2023. godine**

«Agencija za vodno područje rijeke Save» Sarajevo rješavajući po zahtjevu Investitora „Društvo sa ograničenom odgovornošću za proizvodnju kože“ Bugojno za donošenje rješenja o vodnoj dozvoli za aktivnost koja može privremeno ili trajno degradirati kvalitetu voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za štavljenje i obradu kože, obrada i bojenje krzna, izgrađenog u ul. Kožarska 18, općina Bugojno, na osnovu člana 109. stav (1) točka 2. i stav (2) točka 1. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o vodnoj dozvoli**

1. Daje se vodna dozvola Investitoru „Društvo sa ograničenom odgovornošću za proizvodnju kože“ Bugojno za aktivnost koja može privremeno ili trajno degradirati kvalitetu voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za štavljenje i obradu kože, obrada i bojenje krzna, izgrađenog u ul. Kožarska 18, općina Bugojno, na zemljištu označenom kao k.č. broj: 1573/5, zk.ul.br.7095, K.O. Bugojno, općina Bugojno.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav (2) točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da korisnik predmetnog objekta, za vrijeme trajanja ove dozvole, izvrši rekonstrukciju kompletnog sustava za tretman otpadnih voda iz procesa proizvodnje kao i prikupljanje i tretman otpadnih voda s vanjskih i unutarnjih manipulativnih površina prema dostavljenoj projektnoj dokumentaciji (Glavni projekt za tretman otpadnih voda i hidro faze na prostoru tvornice „D.O.O. ZA PROIZVODNJU KOŽE“ oznake TSP 04-494/18 od 8/2018, izrađen od Instituta za hidrotehniku d.d. Sarajevo) i osigura da se onečišćene vode iz proizvodnog procesa, sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda a zatim prečišćene, sa dozvoljenim vrijednostima propisanim Uredbom o uvjetima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20 i 96/20) preko kontrolnog šahta upuštaju u gradski kanalizacijski sustav kojim gospodari JKP „Vodovod i kanalizacija“ d.o.o. Bugojno.
 - 3.3. Objekte čija je svrha odvođenje i prečišćavanje onečišćenih voda (taložnici, separator ulja i masti, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.4. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja iz taložnika i separatora ulja i masti, neophodno je voditi službenu evidenciju i arhivu.

- 3.5. Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.6. Da se redovno vrši monitoring prečišćene otpadne vode iz svih ispusta shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13, 26/14, 15/17, 23/17 i 41/20).
- 3.7. Zbrinjavanje otpadnih materija, koje se mogu javiti u tehnološkom procesu štavljenja i obrade kože, obrade i bojenje krzna, vršiti u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
- 3.8. Da se kod održavanja poslovnog objekta praktikuju suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
- 3.9. Da se, u skladu sa propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Otpad koji nastaje u postupku štavljenja i obradu kože, obrada i bojenje krzna kao i drugi nusproizvodi, te mulj iz postrojenja za prečišćavanjem otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.11. Da se za sve izgrađene objekte od nadležnih institucija ishodi upotrebna dozvola.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „Društvo sa ograničenom odgovornošću za proizvodnju kože” Bugojno je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana izdavanja rješenja.

11. Prije isteka važnosti ove dozvole vlasnik poduzeća „Društvo sa ograničenom odgovornošću za proizvodnju kože“ Bugojno, dužan je da zatraži izdavanje nove vodne dozvole.

O b r a z l o ž e n j e

Investitor „Društvo sa ograničenom odgovornošću za proizvodnju kože“ Bugojno, podnio je zahtjev za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za štavljenje i obradu kože, obrada i bojenje krzna, izgrađenog u ul. Kožarska 18, općina Bugojno, na zemljištu označenom kao k.č. broj 1573/5, zk.ul.br.7095, K.O. Bugojno, općina Bugojno općina Bugojno.

U provedenom postupku dostavljena je i pregledana sljedeća dokumentacija:

- Aktualni izvod iz sudskog registra br. 051-0-RegZ-20-000662 od 12.06.2020. god., izdano od Općinskog suda u Travniku;
- Uvjerenje o poreznoj registraciji od 14.03.2016., godine, izdano od strane Porezne uprave- Kantonalni porezni ured Novi Travnik, Kanton Središnja Bosna;
- Rješenje o upotrebnoj dozvoli, broj:04-360-184/85 od 23.01.1986.god. izdano od strane Zavoda za urbanizam i izgradnju, općina Bugojno na ime RO "Tvornica kože, krzna i obuće" Bugojno ;
- Rješenje o Vodnoj dozvoli br. 05-25-827/17 od 10.07.2018.god. izdano od Ministarstva poljoprivrede, vodoprivrede i šumarstva Kantona Središnja Bosna;
- Okolišna dozvola br. 06-23-34/17-2 od 05.09.2017.god. izdana od Ministarstva prostornog uređenja, građenja, zaštite okoliša ,povratka i stambene poslove Kantona Središnja Bosna;
- Glavni projekt za tretman otpadnih voda i hidro faze na prostoru tvornice „D.O.O. ZA PROIZVODNJU KOŽE“ oznake TSP 04-494/18 od 8/2018, izrađen od Instituta za hidrotehniku d.d. Sarajevo ;
- Idejni projekt hale za smještaj postrojenja za tretman tehnoloških otpadnih voda, iz 2/2023, izrađen od „BNT INŽENJERING“ d.o.o Novi Travnik;
- Idejni projekt tretmana tehnoloških otpadnih voda u krugu tvornice „D.O.O. za proizvodnju kože“, oznake TSP-04-545/18 od 9/2018, izrađen od Instituta za hidrotehniku d.d. Sarajevo
- Izvještaj o ispitivanju kvaliteta otpadnih voda, broj izvještaja IV-072-E8/23 od 01/2023 izrađen od „DVOKUT“ d.o.o. Sarajevo;
- Suglasnost JKP „Vodovod i kanalizacija“ d.o.o. Bugojno o ispuštanju otpadnih voda u javni kanalizacioni sustav br.143/16 od 24.03.2016.;
- Ugovor za komunalne usluge i deponovanje smeća sklopljen s JKP "ČISTOĆA" d.o.o. Bugojno;
- Ugovor o poslovnoj suradnji o odvozu animalnog otpada i sekundarnih sirovina sklopljen s poduzećem „ HIDES&SKINS“ d.o.o. Visoko od 18.01.2015.god.;
- Dokaz o uplaćenju upravnoj i administrativnoj taksi;
- Uplatnicu po zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-234-4/23 od 14.06.2023. godine.

Objekt koji se koristi za štavljenje i obradu kože, obrada i bojenje krzna, izgrađen je u ul. Kožarska 18, općina Bugojno, na zemljištu označenom kao k.č. broj 1573/5, zk.ul.br.7095, K.O. Bugojno, općina Bugojno općina Bugojno u okviru ranijeg kompleksa „KOŽARA“, Bugojno.

Kroz proces, koji je osnovna djelatnost poduzeća, vrše se sljedeće operacije: Prijem i skladištenje kože, kvašenje ili odsoljavanje, ispiranje, strojno skidanje mesine, otkrećavanje, bajcanje, zakiseljavanje, proces štavljenja, bojenje i mašćenje, vakumiranje, sušenje, omekšavanje, bojenje, peglanje i sortiranje.

Za sve navedene operacije instalirano je postrojenje za preradu tehnološke otpadne vode koje je potrebno modernizirati i za modernizaciju Investitor je prikupio projektну dokumentaciju kojom je

obuhvaćeno moderniziranje postojećeg postrojenja kao i prikupljanje oborinskih, onečišćenih voda s vanjskih, manipulativnih površina.

Između postojećeg postrojenja za tretman otpadnih voda i ispusta u kanalizacioni sustav, kojim gospodari JKP „Vodovod i kanalizacija“ d.o.o. Bugojno, postavljeno je mjerno okno.

Izvještaj o ispitivanju kvaliteta otpadnih voda, broj izvještaja IV-072-E8/23 od 01/2023 izrađen od „DVOKUT“ d.o.o. Sarajevo ukazuje da su svi parametri u granici dozvoljenih, propisanih važećom uredbom.

Oborinske vode s krovnih ploha objekta, manipulativnih površina kao i sanitarno fekalne vode, direktno se upuštaju u javni, gradski kanalizacijski sustav za koje JPK „Vodovod i kanalizacija“ posjeduje vodnu dozvolu za ispuštanje otpadnih voda u rijeku Vrbas.

Za čišćenje i održavanje postrojenja za tretman otpadnih voda nije sklopljen ugovor s ovlaštenim poduzećem a animalni otpad zbrinjava poduzeće „HIDES&SKINS“ d.o.o. Visoko.

Projektno tehnička dokumentacija je vraćena Investitoru na uviđaju.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uvjeti u skladu sa članom 116. stav (1) Zakona o vodama.

Na osnovu provedenog postupka konstatira se da je podnosilac zahtjeva „Društvo sa ograničenom odgovornošću za proizvodnju kože“ Bugojno iz Bugojna, ispunio minimum uvjeta za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanja tehnoloških otpadnih voda, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Marko Barić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.



Dostaviti:

- "D.O.O. ZA PROIZVODNJU KOŽE" d.o.o. Bugojno, Kožarska 18, Bugojno
- AVP Sava, ISV-vodna knjiga
- Sektor 50
- Org.jed. 40 – arhiva
- Oglasna ploča AVP Sava